

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
**OPĆINA CENTAR SARAJEVO**  
Općinski načelnik



Bosnia and Herzegovina  
Federation of Bosnia and Herzegovina  
Canton Sarajevo  
City of Sarajevo  
**CENTAR MUNICIPALITY**  
Municipal Mayor

Босна и Херцеговина  
Федерација Босне и Херцеговине  
Кантон Сарајево  
Град Сарајево  
**ОПШТИНА ЦЕНТАР САРАЈЕВО**  
Општински начелник

Na osnovu člana 69. Statuta Općine Centar Sarajevo – prečišćen tekst ("Službene novine Kantona Sarajevo", broj: 23/04), člana 5. Pravilnika o stipendiranju učenika i studenata „Prof. dr. Husein Kulenović“, broj: 53/23, Općinski načelnik raspisuje

## **JAVNI POZIV** *za stipendiranje studenata u akademskoj 2024/2025. godini*

### **Ostvarivanje prava**

Pravo na stipendiju imaju studenti, državljani Bosne i Hercegovine koji:

- a) se nalaze na redovnom školovanju u visokoškolskim ustanovama i prvi put upisuju tekuću akademsku godinu,
- b) imaju prebivalište na području općine Centar u neprekidnom trajanju od godinu dana do dana podnošenja prijave za dodjelu stipendije,
- c) su starosti do 25 godina,
- d) su prethodnoj akademskoj godini ostvarili prosjek ocjena od najmanje **8,00**, a studenti prve godine fakulteta/akademije koji su u četvrtom razredu srednje škole stekli prosjek ocjena od najmanje **4,00**;

Pravo na stipendiju ostvarit će studenti bez oba roditelja koja se nalaze na redovnom školovanju na visokoškolskim ustanovama, koji imaju prebivalište na području općine u neprekidnom trajanju od godinu dana do dana podnošenja prijave.

Svi studenti I godine fakulteta sa prosjekom ocjena **5,00** iz četvrtog razreda srednje škole, te studenti sa prosjekom ocjena **9,00** i više ostvaruju pravo na dodjelu stipendije, bez obzira na ukupan broj bodova prikupljen na osnovu drugih kriterija.

### **Kriterij bodovanja i potrebna dokumentacija**

Stipendije za studente dodjeljivat će se na osnovu broja bodova koji se utvrđuju za svakog prijavljenog kandidata na osnovu postignutog uspjeha u učenju u prethodnoj školskoj/akademskoj godini i dodatnih bodova ostvarenih po osnovu:

- rezultata postignutih na takmičenjima postignutih iz oblasti obrazovanja, nauke i umjetnosti koja se realizuju u skladu sa kalendarom takmičenja ministarstva nadležnog za poslove obrazovanja u Kantonu Sarajevo (izuzev rezultata ostvarenih na takmičenjima iz sporta);
- završenog dodatnog obrazovanja (osnovna muzička škola);
- dostignuća u sportu (status perspektivnog sportiste)

### **Visina i broj stipendija**

Stipendije se dodjeljuju za jednu akademsku godinu i isplaćuju se za (10) mjeseci, a prema usvojenom Planu stipendiranja. Visina mjesečne stipendije iznosi:

- a) za studente prve godine fakulteta sa prosječnom ocjenom iz četvrtog razreda srednje škole od 4,00 do 4,49 - 150,00 KM;
- b) za studente prve godine fakulteta sa prosječnom ocjenom iz četvrtog razreda srednje škole od 4,50 do 4,99 - 200,00 KM;
- c) za studente prve godine fakulteta sa prosječnom ocjenom iz četvrtog razreda srednje škole od 5,00 - 250,00 KM;
- d) za studente sa prosječnom ocjenom od 8,00 do 8,49 - 150,00 KM;
- e) za studente sa prosječnom ocjenom od 8,50 do 9,49 - 200,00 KM;
- f) za studente sa prosječnom ocjenom od 9,50 do 10,00 - 250,00 KM;

Dodjela stipendija vršit će se nakon usvajanja Budžeta za 2025. godinu.

### **Ostale informacije**

Preliminarna rang lista objavljuje se na oglasnoj ploči i web stranici Općine Centar Sarajevo. Preliminarni rezultati će se objaviti pod šiframa (barcode) koje će aplikantima biti dodijeljene prilikom predaje prijave.

Na preliminarnu rang listu kandidati mogu u roku od osam dana od dana objavljivanja iste, podnijeti pismeni prigovor Komisiji za razmatranje prigovora. Rok za podnošenje prijave je 15 dana.

Svaki prijavljeni kandidat na konkurs pismeno se obavještava o rezultatima konkursa u roku od 15 dana od dana donošenja konačne odluke.

Pravo na stipendiju ne mogu ostvariti studenti koji koriste stipendiju po nekom drugom osnovu, koji su obnovili godinu i apsolvanti.

Nepotpune i neblagovremene prijave neće se uzeti u razmatranje.

Prijavu (koju možete naći na web strani [www.centar.ba](http://www.centar.ba) ili lično preuzeti na info-pultu Općine Centar Sarajevo) sa potrebnom dokumentacijom dostaviti lično na protokol Općine Centar Sarajevo ili poštom preporučeno na adresu Mis Irbina broj 1, uz naznaku "Prijava za stipendiranje studenata".

Sve dodatne informacije mogu se dobiti u Službi za obrazovanje, društvene djelatnosti, kulturu i sport putem telefona: 033/562-474, 562-393 i na e-mail: [obrazovanje@centar.ba](mailto:obrazovanje@centar.ba)

Rok za podnošenje prijave je 30.12.2024. godine do 16.00 sati.

OPĆINSKI NAČELNIK

**Srđan Mandić**